

আইন-আদালত

৭০ অনুচ্ছেদের বৈধতা ও রাষ্ট্রপতি নির্বাচনের তফসিল স্থগিতের রিট খারিজ

প্রতিবেদক: নিজস্ব প্রতিবেদক

প্রকাশের তারিখ: রোববার, ৩০ আগস্ট ২০২৬, ০৫:২৩ PM



ছবি সংগৃহীত

জাতীয় সংসদে দলের সিদ্ধান্তের বিপক্ষে ভোট দেওয়ার ক্ষেত্রে সংবিধানের ৭০ অনুচ্ছেদের বৈধতা এবং ঘোষিত রাষ্ট্রপতি নির্বাচনের তফসিল চ্যালেঞ্জ করে দায়ের করা রিট আবেদন খারিজ করে দিয়েছেন হাইকোর্ট।

মঙ্গলবার (১৮ আগস্ট) বিচারপতি খিজির আহমেদ চৌধুরী ও বিচারপতি এ এফ এম সাইফুল করিমের সমন্বয়ে গঠিত হাইকোর্ট বেঞ্চ শুনানি শেষে রিটটি খারিজ করে দেন।

গত ১৩ আগস্ট সুপ্রিম কোর্টের আইনজীবী ইউনুছ আলী আকন্দ জনস্বার্থে রিট আবেদনটি করেন। রিটে সংবিধানের ৭০ অনুচ্ছেদকে সংবিধানের মৌলিক কাঠামোর সঙ্গে সাংঘর্ষিক দাবি করে এর বৈধতা চ্যালেঞ্জ করা হয়। একই সঙ্গে আগামী ২০ আগস্ট অনুষ্ঠিতব্য ২৩তম রাষ্ট্রপতি নির্বাচনের ঘোষিত তফসিল স্থগিতের আবেদন জানানো হয়েছিল।

রিটের শুনানিতে অ্যাটর্নি জেনারেল রুহুল কুদ্দুস কাজল বলেন, জনগণের রায়ের মাধ্যমে যে সাংবিধানিক সংশোধনী কার্যকর হয়েছে, তা পরিবর্তনের প্রয়োজন নেই।

শুনানি শেষে আদালত পর্যবেক্ষণে বলেন, সংবিধানের ৭০ অনুচ্ছেদের বিষয়ে সিদ্ধান্ত নেওয়ার এখতিয়ার সংসদের। এ বিষয়ে আদালত হস্তক্ষেপ করবে না।

এর আগে ২০১৮ সালেও আইনজীবী ইউনুছ আলী আকন্দ সংবিধানের ৭০ অনুচ্ছেদের বৈধতা চ্যালেঞ্জ করে হাইকোর্টে রিট আবেদন করেছিলেন। পরে হাইকোর্টের একটি একক বেঞ্চ ওই রিট খারিজ করে দেন।

এ বিভাগের আরও খবর



আ. লীগের কার্যক্রম নিষিদ্ধের প্রজ্ঞাপনের বৈধতা চ্যালেঞ্জের রিট খারিজ
আওয়ামী লীগের কার্যক্রম নিষিদ্ধের প্রজ্ঞাপনের বৈধতা চ্যালেঞ্জ করে দায়ের করা রিট উত্থাপিত হয়নি মর্মে খারিজ করে দিয়েছেন হাইকোর্ট। রোববার (১৩ সেপ...)



ড. ইউনুসের গ্রামীণ কল্যাণকে ৬৬৬ কোটি টাকা কর দিতে হবে: হাইকোর্ট
ড. মুহাম্মদ ইউনুসের মালিকানাধীন গ্রামীণ কল্যাণকে জাতীয় রাজস্ব বোর্ডের (এনবিআর) দাবি করা ৬৬৬ কোটি টাকা কর পরিশোধ করতে হবে বলে রায় দিয়েছেন হাইকোর্ট...



হাসিনাসহ মুত্যাদগুপ্রাণদের আপিলের সময় শেষ: চিফ প্রসিকিউটর
আন্তর্জাতিক অপরাধ ট্রাইব্যুনালের চিফ প্রসিকিউটর মো. আমিনুল ইসলাম বলেছেন, শেখ হাসিনাসহ মুত্যাদগুপ্রাণ বেসব আসামি
রায়ে ৩০ দিনের মধ্যে আপিল...



ইসলামী ব্যাংকে এস আলমের ৮১.৯২ শতাংশ শেয়ার ফ্রিজের নির্দেশ হাইকোর্টের
ইসলামী ব্যাংকে বাংলাদেশ পিএলসিতে এস আলম গ্রুপ-সংশ্লিষ্ট ৮১ দশমিক ৯২ শতাংশ শেয়ার ফ্রিজ বা অবরুদ্ধ রাখার নির্দেশ
দিয়েছেন হাইকোর্ট। ইসলামী ইকোনমি...

Copyright Dhaka Probe

অনলাইন সংস্করণ পড়তে ভিজিট করুন: <https://www.dhakaprobe.com/law-court/70-onuchcheder-boidhta-o-rashtpti-nirbachner-tfsil-sthgiter-rit-kharj>